

MONA OFFSHORE WIND LTD ADRAN 56 DEDDF CYNLLUNIO 2008

RHEOLIAD 9 RHEOLIADAU CYNLLUNIO SEILWAITH (CEISIADAU: FFURFLENNI A GWEITHDREFNAU RHAGNODEDIG) 2009

RHEOLIAD 16 RHEOLIADAU CYNLLUNIO SEILWAITH (ASESIAD O'R EFFAITH AMGYLCHEDDOL) 2017

HYSBYSIAD O DDERBYN CAIS AM ORCHYMYN CYDSYNIAD DATBLYGU ("DCO")

Hysbysir drwy hyn bod yr Ysgrifennydd Gwladol dros Ddiogelwch Ynni a Sero Net wedi derbyn cais gan Mona Offshore Wind Ltd (yr "Ymgeisydd") o Building B, Chertsey Road, Sunbury on Thames, UK, TW16 7BP am Orchymyn Cydsyniad Datblygu ("DCO") o dan Ddeddf Cynllunio 2008 ("y Cais"). Cyflwynodd yr Ymgeisydd y Cais i'r Ysgrifennydd Gwladol, D/O yr Arolygiaeth Gynllunio ar 22/02/2024 a chafodd ei dderbyn ar 21/03/2024. Mae'r Arolygiaeth Gynllunio wedi nodi'r cyfeirnod canlynol ar gyfer y Cais: EN010137.

Cais am gydsyniad datblygu i adeiladu, gweithredu a datgomisiynu'r Fferm Wynt Alltraeth Mona arfaethedig (y Prosiect) oddi ar arfordir Gogledd Cymru yw'r cais. Mae'r Prosiect yn cynnwys hyd at 96 generadur tyrbinau gwynt a seilwaith cysylltiedig ar y tir ac ar y môr. Bydd y Prosiect yn cael ei leoli yn nyfroedd Cymru ac o fewn Siroedd Dinbych a Chonwy.

Bydd y cais am Orchymyn Cydsyniad Datblygu yn cynnwys y canlynol:

- adeiladu, gweithredu, cynnal a chadw a datgomisiynu'r Prosiect;
- caffael tir yn orfodol gan gynnwys hawliau mewn tir neu dros dir sy'n ofynnol at ddibenion y Prosiect, a thir sy'n ofynnol i hwyluso'r Prosiect neu sy'n gysylltiedig ag ef;
- cymhwyso a/neu ddatgymhwyso deddfwriaeth sy'n berthnasol i'r Prosiect, gan gynnwys y ddeddfwriaeth sy'n ymwneud â chaffael tir yn orfodol; a
- darpariaethau, caniatadau neu gydsyniadau pellach sy'n angenrheidiol a/neu'n gyfleus gan gynnwys trwydded forol dybiedig.

Y Prosiect

Mae'r Prosiect yn cynnwys fferm wynt alltraeth arfaethedig ym Môr Iwerddon, a seilwaith cysylltiedig ar y môr ac ar y tir. Disgwylir i'r fferm wynt gynnwys hyd at 96 generadur tyrbinau gwynt. Ar ei bwyntiau agosaf at y lan, mae ardal yr arâe yn 28.8 km o arfordir gogledd Cymru, 46.9 km o arfordir gogledd-orllewin Lloegr, a 46.6 km o Ynys Manaw. Bydd coridor y ceblau allforio ar y môr tua 46 km o hyd a bydd y coridor ceblau allforio ar y tir (gan gynnwys coridor ceblau 400 kV) tua 16 km o hyd.

Bydd y Gorchymyn Cydsyniad Datblygu arfaethedig, ymysg pethau eraill, yn awdurdodi'r canlynol:

- a) Adeiladu a gweithredu hyd at 96 generadur tyrbinau gwynt ar y môr a'u sylfeini;
- b) Adeiladu hyd at bedwar plattform is-orsaf ar y môr (OSP) a'u sylfeini;
- c) Adeiladu rhwydwaith o geblau rhyng-arâe o dan y môr sy'n cysylltu'r generaduron tyrbinau gwynt a rhwydwaith o geblau rhyng-gysylltu sy'n cysylltu'r plattformau is-orsaf ar y môr;
- d) Gosod hyd at bedair cylched ceblau allforio o dan y môr i drosglwyddo'r trydan a gynhyrchir gan y generaduron tyrbinau gwynt i'r lan. Mae coridor ceblau allforio ar y

môr y Prosiect yn ymestyn tua'r de-ddwyrain o ardal yr arâe i'r lanfa arfaethedig yn Llanddulas yng Nghonwy;

- e) Adeiladu hyd at bedwar porth cysylltu trosiannol ar y lanfa sy'n cysylltu'r ceblau ar y môr â'r ceblau ar y tir;
- f) Gosod hyd at bedair cylched ceblau allforio tanddaearol ar y tir sy'n cysylltu o'r pyrth cysylltu trosiannol ar y lanfa i is-orsaf ar y tir y prosiect;
- g) Adeiladu a gweithredu is-orsaf newydd ar y tir ar gyfer y prosiect i'r de o Barc Busnes Llanellwly a Ffordd Glascoed yn Sir Ddinbych;
- h) Gosod hyd at ddwy gylched ceblau allforio tanddaearol ar y tir sy'n cysylltu'r is-orsaf arfaethedig ar y tir ag is-orsaf y National Grid ym Modelwyddan er mwyn gallu trosglwyddo'r pŵer i'r National Grid; a
- i) Gwaith i gysylltu'r Prosiect ag is-orsaf National Grid ym Modelwyddan yn Sir Ddinbych.

Byddai'r Gorchymyn hefyd yn awdurdodi caffael tir yn orfodol, buddiannau mewn tir a hawliau dros dir, a'r pwerau i ddefnyddio tir yn barhaol a dros dro ar gyfer adeiladu, gweithredu, cynnal a chadw a datgomisiynu fferm wynt ar y môr.

Asesiad o'r Effaith Amgylcheddol - Mae'r Prosiect yn ddatblygiad y mae Asesiad o'r Effaith Amgylcheddol yn berthnasol iddo fel y'i diffinnir yn Rheoliadau Cynllunio Seilwaith (Asesiad o'r Effaith Amgylcheddol) 2017. O ganlyniad, mae'r Ymgeisydd wedi cyflwyno Datganiad Amgylcheddol fel rhan o'r Cais. Mae Crynodeb Annhechnegol o'r Datganiad Amgylcheddol hefyd ar gael.

Gweld y Cais am Orchymyn Cydsyniad Datblygu

Mae holl ddogfennau'r cais am Orchymyn Cydsyniad Datblygu, gan gynnwys y ffurflen gais a'r holl gynlluniau a mapiau, i'w gweld yn rhad ac am ddim ar wefan yr Arolygiaeth Gynllunio drwy gydol y cyfnod sylwadau perthnasol a'r cyfnod archwilio yma ar dudalen prosiect Fferm Wynt Alltraeth Mona: <https://infrastructure.planninginspectorate.gov.uk/cy/projects/fferm-wynt-alltraeth-mona/>

Gallwch hefyd gael gafael ar y fersiynau ar-lein hyn o ddogfennau Gorchymyn Cydsyniad Datblygu Mona yn rhad ac am ddim yn y lleoliadau isod, tan o leiaf ddiwedd y cyfnod sylwadau perthnasol, sef 6 Mai 2024. Cysylltwch â'r lleoliadau yn uniongyrchol i gadarnhau beth yw eu horiau agor ac unrhyw ofynion o ran bwcio neu gofrestru a allai fod eu hangen i gael gafael ar y dogfennau'n ddigidol ar y cyfrifiaduron sydd ar gael yn y lleoliadau priodol.

Lleoliad	Amseroedd Agor	Rhif cyswllt
Llyfrgell Amlwch, Lôn Parys, Amlwch, Ynys Môn LL68 9EA	Maw: 9.30-12.30pm a 2-5pm, Mer, Gwe, Sad: 9.30-12.30pm, Iau: 2-7pm	01407 830145
Llyfrgell Gyhoeddus Bangor, Ffordd Gwynedd, Bangor LL57 1DT	Llun, Maw, Iau: 9:30-6pm, Mer, Gwe: 9:30-5pm Sad: 9:30-1pm	01248 353479
Llyfrgell Henry Bloom Noble, 8 Duke Street, Douglas, Ynys Manaw IM1 2AY	Llun-Mer a Gwe: 8.30-5pm, Iau: 10-7pm, Sad: 9-4pm	01624 696461
Llyfrgell Llandudno, Stryd Mostyn, Llandudno LL30 2RP	Llun-Mer a Gwe: 9-5.30pm, Iau: 10-7pm, Sad: 9:30-3pm	01492 574010
Llyfrgell y Dref – Ramsey, Parliament Square, Ramsey, Ynys Manaw IM8 1RT	Llun-Iau a Sad: 9-4:30pm, Gwe: 9-4pm	01624 810146

Llyfrgell, Amgueddfa a Chanolfan Gelfyddydol y Rhyl, Stryd yr Eglwys, y Rhyl LL18 3AA	Llun: 9:30-6pm, Maw-Gwe: 9:30-5pm, Sad: 9:30-12.30pm	01745 353814
---	--	--------------

Os oes angen dull arall o archwilio'r cais am Orchymyn Cydsyniad Datblygu arnoch neu os oes gennych chi unrhyw ymholiadau, gan gynnwys sut mae cael gafael ar y dogfennau ar wefan yr Arolygiaeth Gynllunio, ffoniwch yr Ymgeisydd ar 0800 860 6263 neu anfonwch e-bost at info@monaoffshorewind.com.

Gall yr Ymgeisydd hefyd ddarparu unrhyw un o'r dogfennau yn ôl yr angen ar USB (yn rhad ac am ddim). Gellir hefyd ddarparu copi caled o'r Crynodeb Annhechnegol ar gais rhesymol. Codir ffi hyd uchafswm o £7,000 a TAW am ddarparu copïau caled o'r Datganiad Amgylcheddol, er mwyn talu am y costau argraffu a phostio.

Sylwadau Perthnasol

Gall unrhyw un gofrestru fel Parti â Diddordeb drwy gyflwyno Sylwadau Perthnasol ar y Cais yn ystod y cyfnod cyflwyno sylwadau. Rhaid cyflwyno'r Sylwadau Perthnasol yn uniongyrchol i'r Arolygiaeth Gynllunio (gan roi hysbysiad i bob pwrpas o unrhyw fuddiant yn y Cais, neu wrthwynebiad iddo).

Rhaid i unrhyw Sylwadau Perthnasol gael eu cyflwyno ar y ffurflen gofrestru ofynnol a gaiff ei darparu gan yr Arolygiaeth Gynllunio, a rhaid cynnwys enw, cyfeiriad a rhif ffôn y parti, ynghyd â chrynodeb o'r prif bwyntiau sy'n nodi ar ba sail y mae'n cyflwyno'r sylwadau. Cyfeiriwch at *Nodyn Cyngor 8.2: Sut mae Cofrestru i Gymryd Rhan mewn Archwiliad* yr Arolygiaeth Gynllunio i gael rhagor o wybodaeth am y broses hon sydd ar gael ar-lein yma: <https://infrastructure.planninginspectorate.gov.uk/legislation-and-advice/advice-notes/advice-note-8-2-how-to-register-to-participate-in-an-examination/>

Rhaid llenwi'r ffurflen gofrestru Sylwadau Perthnasol ac mae hon ar gael ar-lein drwy dudalen prosiect Mona ar wefan yr Arolygiaeth Gynllunio yma: <https://infrastructure.planninginspectorate.gov.uk/cy/projects/fferm-wynt-alltraeth-mona/>

Cysylltwch â'r Arolygiaeth Gynllunio yn uniongyrchol os oes angen copi caled o'r ffurflen gofrestru arnoch, drwy eu ffonio ar 0303 444 5000 a rhoi enw'r Cais a chyfeirnod yr Arolygiaeth Gynllunio, sef: EN010137. Gallwch anfon copi caled o'r ffurflen wedi'i llenwi at: The Planning Inspectorate, Temple Quay House, Temple Quay, BRYSTE BS1 6PN.

Sylwch y bydd yr holl sylwadau a gyflwynir yn cael eu cyhoeddi ar wefan yr Arolygiaeth Gynllunio a byddant yn rhwym wrth ei pholisi preifatrwydd, sydd ar gael yma: <https://www.gov.uk/government/publications/planning-inspectorate-privacy-notice>

Gellir cyflwyno sylwadau perthnasol hyd at ac yn cynnwys 6 Mai 2024.

Cofiwch nodi cyfeirnod yr Arolygiaeth Gynllunio ar gyfer y Cais, sef EN010137, ar bob gohebiaeth â'r Arolygiaeth Gynllunio ynghylch y Cais hwn.

Mae rhagor o wybodaeth am Mona ar gael ar wefan y prosiect: <https://www.morganandmona.com> neu drwy gysylltu â'r tîm ar 0800 860 6263 neu drwy e-bost info@monaoffshorewind.com.